



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	5 01	3709

Strana:
1 od 1

Broj protokola:

05-1-25-1-280-26/25

JAVNO

DATUM: 24.04.2025. godine

PRIMALAC: FESTA d.o.o. Kraševo - Tešanj

PREDMET: Obavijest o poništenju postupka nabavke:
- Servis motornih vrata proizvođača HOERMANN

VEZA: Naš broj: 280/25

Poštovani,

u vezi sa članom 71. Zakona o javnim nabavkama ("Službeni glasnik BiH", broj 39/14, 59/22 i 50/24) obavještavamo vas da je, shodno odredbama člana 69. Zakona o javnim nabavkama, postupak nabavke robe: Servis motornih vrata proizvođača HOERMANN, proveden metodom nabavke Konkurentski zahtjev za dostavu ponuda, odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, a na prijedlog Komisije za provođenje predmetnog postupka nabavke, poništen.

S poštovanjem,

v.d. Direktor-a
[Signature]
Sanin Ramezić

Prilog: Odluka o poništenju postupka;

DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a



	Tel:	Fax:	E-mail:
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
WEB	www.sarajevo-airport.ba		

[Signature]

[Signature]

**UPRAVA**

Strana: 1 od 1

Broj protokola:

05-1-25-1-280-25/25

JAVNO

Datum: 24.04.2025. godine

Na osnovu člana 70., a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 45. Statuta J.P. Međunarodni aerodrom „SARAJEVO“ d.o.o. Sarajevo, te Izvještaja i preporuke Komisije za provođenje postupka javne nabavke robe: Servis motornih vrata proizvođača HOERMANN, broj: 05-3-25-1-280-24/25 od 14.04.2025. god., Uprava J.P. Međunarodni aerodrom „SARAJEVO“ d.o.o. Sarajevo, na 27. sjednici, održanoj dana 24.04.2025. god., donosi

ODLUKU**I**

Poništava se postupak nabavke robe: Servis motornih vrata proizvođača HOERMANN, proveden metodom nabavke Konkurentski zahtjev za dostavu ponuda, jer primljena ponuda nije prihvatljiva.

II

J.P. Međunarodni aerodrom „SARAJEVO“ d.o.o. Sarajevo će, nakon proteka rokova za reviziju, provesti ponovljeni postupak nabavke iz tačke I ove Odluke.

III

Komisija za provođenje ponovljenog postupka nabavke biće imenovana naknadno, posebnim rješenjem.

Obrazloženje

Odlukom Uprave J.P. Međunarodni aerodrom „SARAJEVO“ d.o.o. Sarajevo, broj: 05-1-25-1-280-14/25 od 13.03.2025. godine, poništen je postupak nabavke robe: Servis motornih vrata proizvođača HOERMANN (jer nije primljena nijedna ponuda u određenom krajnjem roku), te je naloženo njegovo ponavljanje, i to istim metodom.

Rješenjem broj: 05-1-25-1-280-16/25 od 08.04.2025. godine, imenovana je Komisiju za provođenje ovog postupka, a na Portalu javnih nabavki dana 25.03.2025. godine objavljeno je obavještenje o nabavci, broj: 246-7-1-216-3-59/25. Do ostavljenog roka za predaju ponuda, 11.04.2025. godine, na protokol Društva zaprimljena je ponuda ponuđača FESTA d.o.o. Kraševu - Tešanj. Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitana je naziv ponuđača i ponuđena cijena koja je iznosila 23.965,00 KM, bez PDV-a. Nakon javnog otvaranja, Komisija se sastala radi detaljne analize dostavljene ponude, kojom prilikom je utvrđeno sljedeće:

- ANEKS I – Obrazac za ponudu nije u potpunosti popunjen, tačnije u tački 5. ponuđač je propustio popuniti rubriku koja se odnosi na potreban broj dana za isporuku rezervnih dijelova od dana ispostavljanja narudžbenice;
- u tački 2.1 pod h) tražena je potvrda o dobro izvršenom poslu isporuke i ugradnje rezervnih dijelova za motorna rolo vrata u iznosu ne manjem od 15.000,00 KM, uz navode da potvrda mora obavezno sadržavati naziv i sjedište ugovornih strana, predmet ugovora, vrijednost ugovora, vrijeme i mjesto izvršenja, te navode o izvršenim ugovorima. Ponuđač je dostavio dvije potvrde, međutim u obje dostavljene potvrde ne navodi se tačna vrijednost ugovora kao ni tačno vrijeme izvršenja ugovora, već samo da je vrijednost „u zadnje tri godine veća od 15.000,00 KM“, što nije u skladu sa tenderskom dokumentacijom;
- u tački 2.1 pod j) od ponuđača je zahtijevano da dostavi original ili ovjerenu kopiju autorizacije proizvođača za servisiranje predmetnih rolo vrata, dok je ponuđač dostavio običnu kopiju tražene autorizacije. Dalje, dostavljena potvrda ni po pitanju jezika nije u skladu sa tenderskom dokumentacijom, a ni ZJN BiH, obzirom da je dostavljena na njemačkom jeziku što nije u skladu sa tačkom 3. tenderske dokumentacije gdje se zahtijeva da svi dokumenti koji nisu na jednom od službenih jezika u BiH trebaju biti prevedeni na jedan od tih jezika od strane ovlaštenog sudskog tumača, te članom 12. stav (3) ZJN. Imajući u vidu da se radi o kvalifikacionoj dokumentaciji mandatorno je istu dostaviti na jednom od službenih jezika u BiH.

S obzirom da su ponuđači dužni, u skladu sa članom 57. stav (1) Zakona o javnim nabavkama pridržavati se svih zahtjeva i uslova iz tenderske dokumentacije, Komisija je ponudu, u skladu sa članom 68. st. (1) i (4) tačka i) Zakona o javnim nabavkama, ocijenila nepravilnim, odnosno neprihvatljivim, pa je Upravi Društva predložila da se predmetni postupak nabavke poništi, te ponovi istim metodom.

Vrsta dok.	Izdavač
ODL	05-1
Strana: 2 od 2	
JAVNO	

Uprava Društva je na svojoj 27. sjednici, održanoj dana 24.04.2025. god., razmotrila Izvještaj i preporuku Komisije, te je, nakon uvida u provedeni postupak, utvrdivši da su ispunjeni uslovi za poništenje postupka iz člana 69. stav (2) tačka d) Zakona o javnim nabavkama, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u Društvu, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

v.d. DIREKTOR-a

Sanin Ramezić



Prilog: Zapisnik o pregledu i ocjeni ponuda;

DOSTAVLJENO:

1. Upravi Društva (orig.)
2. Ponuđaču
3. Sektoru za administrativnu podršku
 - Služba nabavke (orig)
 - Služba za pravne poslove i protokol
4. Sektoru razvoja, tehnike i standardizacije
5. a/a